

Válljim Sámediggáj

Sámediggeválljim 2013

Tjoahkkediededime Sámedikke válljima birra

Tjuottjodimbargo Sámedikke válljimij li juogedum gálmma fábmudagáj gaskan: Sámedikke válljimsiebreráde, Válljmfábmudagá ja Lenastivra Norrbottena lenan. Dát tjálos vuoset gák válljimvuohke Sámedikke válljimij doajmmá. Jus sidá smájvvidum diededimijt gengak fábmudagá bargoj birra ietján gá mij dáanna diededuvvá de válde aktavuodav gengak fábmudagájn. Gehtja aktavuohtheadiededimijt 12. bielen.



Valmyndigheten

Sisadno

1. Válljim Sámediggáj	3
2. Jienastimriektá, jienastimláhko ja jienastimkárttá	3
3. Belludagá, kandidáhta ja válljimsiedila	5
4. Návti jienas	6
5. Aktijriekknim, mandáhttuogadibme ja válljimbáhtusa	7
6. Manáj gus válljim njuolggá?	11
7. Válljimfábmudagá Sámedikke válljimin	12

Rijmmo

Biejve	Sámediggeláhka	Bielle
2012		
gál. 20.b. Diedádus jienastimláhkuj galggá válljimsiebrrerádáj boahám.	3 kap. 4§	3
bas. 15.b. Válljimsiebrreráde galggá mañemusát dán biejve ájnibáddásasj jienastimlágov biejadam.	3 kap. 5§	3
bas. 15.b. – jav. 15.b. Ájnibáddásasj jienastimláhko gávnnu moatten sajen rijkan jus aktak dav sihtá guoradallat. Válljimfábmudahka almot gánná dav vuojná.	3 kap. 5§	3
jav. 15.b. Gujddimus válljimsiebrreráde márrádusájs gudi jienastimláhkuj biejaduvvi galggá Lenastivrraj boahám.	3 kap. 5a§	4
2013		
guo. 15.b. Lenastivrra galggá mierredit gujddimusáj birra ma guoski ájnibáddásasj jienastimláhkuj.	3 kap. 5a§	4
sjnj. 1.b. Válljimsiebrreráde galggá mañemusát dán biejve biejadam mañemus jienastimlágov.	3 kap. 6§	4
sjnj. 15.b. Juohkusa, belludagá ja muoduk tjoahkkámannama mañemusát dán biejve galggi diededam ietjasa ja ietjasa kándidáhtajt Válljimfábmudahkaj.	3 kap. 9§	5
vuoj. 19.b. Válljimfábmudahka rádjá jienastimkártájt/ álgoldiskuverajt jienastimriektáaddnijda. Brevvajienastibme máhtá álgget.	3 kap. 7§	4 6
moa. 19.b. VÁLLJIMBIEJVVE Mañemus biejvve brevvajienav rádjat.	3 kap. 1§ 3 kap. 20§	6 6
moa. 27.b. Áramus biejvve Lenastivrraj jienajt riekknigoahdet. Válljimav máhtá gujddit láge biejve sinna válljimbáhtusa diededime maññela.	3 kap. 22§ 3 kap. 33§	7 11

1. Válljim Sámediggáj



Sámediggi
Sámedigge
Saemiedigkie
Sametinget

Sámedigge

Sámedigge Svierigin la goappátjagá stáhta fábmudahka ja álmukválljim sáme parlamánnta. 31 ájrrasa Sámedikke parlamánntaj biejaduvvi jienastimriektáaddne sámijis válljima baktu.

Válljim juohkka näljät jage

Ieme válljim Sámediggáj la juohkka goalmát ájllega moarmesmánon juohkka näljät jage. Válljim 2013 la moarmesmánó 19.b. Álles riikka l válljimbájkke.

Válljimvuohke l láchkojuogo milta, dat javllá mandáhta (saje) Sámedikken juogeduvvi jiednalágo milta majt juohkusa, belludagá jali muoduk tjoahkkájmanna ma válljimij li sábram li oadtjum. Jus belludahka oadtju buojkulvissan 20 prosenta jienajs, de galggi aj oadtjot 20 prosenta bájkev mandáhtajs.

2. Jienastimriektá, jienastimláhko ja jienastimkárttá

Gájka gudi Sámedikke válljimij sihti oassálasset háhttuji jienastimlágov gávnnet.

Mij rávkaduvvá jienastimláhkov bessat?

Sámedigge mierret gudi jienastimláhkov bessi. Sámediggelávan (1992:1433) tjuodtju makkir dábdomerkaht almasj viertti adnet vaj jienastimriektáv galggá oadtjot. Riektá jienastimláhkov tjáleduvvat ja dajna vuogijn jienastimriektáv adnet, la sujna gut:

- Ietjas sábmén adná ja gánna la jali árrum la sámegeiella goahtegiellan. Buoragit aj manná jus äjgádjijn, áhkojn ja ádjájn li jali adnám li sámegeielav goahtegiellan jali jus äjgátbielle la jali árrum la jienastimláhkov tjáledum.
- La állim jali álli 18 jage mañemusát válljimbieje.
- La svieriga viesájdiddje. Gudi álla svieriga viesájdiddje máhtti jienastimriektáv oadtjot jus li álmuktjáledum Svierigin mañemus gálmma jage.

Jus jienastimriektáj galggá bessat ja dajna vuogijn jienastimriektáv adnet viertti ietjas Sámedikke válljimsiebrerádáj diededit. Jus juo ávdutjis la tjáledum sámejienastimláhkov ávdep Sámediggeválljimij de ij ietjas nuppádis dárbaht tjáledit.

Vuostak dahká ájnibáddásasj jienastimlágov

Gudi jienastimriektáj dáhkkudivvi ja sihti válljimij oassálasset galggi diededimev Sámedikke válljimsiebrerádáj rádjat mañemusát gálgádismáno 2.b. 2012. Gut la jienastimláhkov ávdebut tjáledum ij dárbaht ádásis ietjas tjáledit.

Mañemusát basádismáno 15.b. biejat Sámedikke válljimsiebreráde ájnibáddásasj jienastimlágov mij ádájakmáno 15.b. rádjáj gávnnet moatten sajen riikan jus aktak sihtá dav guoradit. Válljimbábmudahka almot gánna dat gávnnet.

Ájnibáddásasj jienastimlågov máhtta gujddit

Ájnibáddásasj jienastimlågov máhtta sán gujddit:

- gut ietjas la jienastimláhkuj diededam valla älla suv tjáledam
- gut la ájnibáddásasj jienastimláhkuj tjáledum ja sihtá gujddit soames ietjá almasj la jienastimláhkuj tjáledum.

Gujddimus galggá Lenastivrraj Norrbottena lenan bohtám maņemusát javllamáno 15.b. 2012. Gujddimusáv gáhttjali almulasj tjáhkkanimen Lenastivran Norrbottena lenan guovvamáno 15.b. 2013. Lenastivra mærrádušájt gujddimusá birra ij gujddit maná.

Maņemus jienastimláhko biejaduvvá ja prienntiduvvá

Gå lenastivrra l mierredam soajtte gujddimusáj birra, de dahká Sámedikke välljimsiebreráde maņemus jienastimlågov. Dav dahki maņemusát snjuktjamáno 1.b. 2013. Maņemus jienastimláhko prienntiduvvá ja aneduvvá lenastivras riekknidijn välljima maņgela vaj máhtti jienastimláhkuj mierkkitt välljijiddje l jienastam.

Jienastimkårtå/ålgoldiskuvera rádjasi gájka jienastimriektáaddnijda

Välljimfábmudahka jienastimkårtájt rádjá gájka jienastimriektáaddnijda (dat javlla sij gudi li maņemus jienastimláhkuj tjáledum). Jienastimkårtáv rádjá välljijiddjida 30 bieje bájken välljimbieje ávdđála.

Jienastimkårtta l aj ålgoldiskuvera masi jienav tsággá ja adná goappátjagá brevvajienastime bále ja jienastime bále välljimlanján, danen la namma jienastimkårtta/ålgoldiskuvera. Jienastimkårtta/ålgoldiskuvera nanna tjuodtju välljijiddje namma ja nummar jienastimlågog.

Gánna ij la ietjas jienastimkårtta/ålgoldiskuvera máhtta ádasav oadtjot Sámedikke välljimsiebrerádes, Lenastivran Norrbottena lenan jali Välljimfábmudagás.

Välljimsiedila ja diededime rájaduvvi aj

Brevan Välljimfábmudagás gávnnu, ietján gå jienastimkårtta/ålgoldiskuvera, aj gájka välljimsiedila, välljimkuvera, bierggasa brevvajienastibmáj ja diededime gák jienas.

Du har rösträtt vid valet till Sametinget den 19 maj 2013

RÖSTKORT/
YTTERKUVERT

Ska du rösta i vallokal?
Klistra inte igen detta kuvert, utan ta med det öppet till vallokalen. Du behöver heller inte fylla i några uppgifter i fälten nedan.

Vid berövning ska du och 2 vittnen intyga att röstern gjorts i ordning på rätt sätt. Vittnena måste ha fyllt 18 år. Väljarens make/maka eller barn får inte vara vittnen.

Glöm inte att klistra igen detta kuvert när du gjort i ordning din röst!

Väljaren intygar.
"Jag försäkrar på heder och samvete att jag själv lagt in en valsedel i ett valkuvert och i närvaro av oberoende vittnen lagt in valkuvertet i detta ytterkuvert som jag därefter klistrat igen."

Enligt sametingets föreskrifter ska två vittnen intyga.
"Vi intygar att väljaren egenhändigt undertecknat ovanstående försäkran. Vi känner inte till något som stöder mot det som intygats av väljaren."

Enligt sametingets föreskrifter ska två vittnen intyga.
"Vi intygar att väljaren egenhändigt undertecknat ovanstående försäkran. Vi känner inte till något som stöder mot det som intygats av väljaren."

3. Belludagá, kandidáhta ja välljimsiedila

Baggu diededit

Gájkka juohkusa, belludagá jali muoduk tjoahkkájmannama ma sihti välljimij oassálasstet háhttuji ietjasa ja ietjasa kandidáhtajt Välljimfábmudahkaj diededit mañemusát sñnjuktjamáno 15. b. 2013.

Välljimfábmudahka mierret registardit juohkusav, belludagav jali muoduk aktijmannamav ja dan kandidáhtajt välljimij. Välljimfábmudagá mährádusáv ij máhte gujddit.

Juohkusa, belludagá jali muoduk tjoahkkájmannama majn juo álla mandáhta Sámedikken háhttuji guodet tjáledum doarjjagav binnemusát 50 almatjis, gudi li tjáledum mañemus jienastimláhkuj boahte välljimij.

Välljimsiedila kandidáhtaj prienntiduvvi

Juogos, belludahka jali muoduk aktijmannam háhttu diededit binnemusát gálmma kandidáhta. Gájkka kandidáhta háhttuji dáhkkit sij gávnnuui välljimsiedilin.

Juohkusa, belludagá jali muoduk aktijmannama ma li ietjasa ja ietjasa kandidáhtajt diededam oadtju sijá välljimsiedilijt pränntagij Välljimfábmudagás. Välljimsiedilij nanna prienntiduvvá (nammadissa) juohkusa, belludagá jali muoduk aktijmannama namma ja diededum kandidáhtaj namá. Juogos, belludahka jali muoduk aktijmannam máhtta diededit kandidáhtajt avta jali moatte listtaj.

Välljimsiedila gávnnuui gájkka välljimlanjájñ ja rádjasi gájkka välljijiddijda aktan jienastimkártájñ/álgoldiskuverájñ. Duodden oadtju juohkusa, belludagá jali muoduk tjoahkkájmannama välljimsiedilijt juogadit ietjasa milta. Jus juohkusin, belludagán jali muoduk aktijmannamin li moadda lista sierralágásj aktijbiedjamij kandidáhtajs de prienntiduvvá sámmi mierre gengak listas. Jus aktak juogos, belludahka jali muoduk aktijmannam sihta rávvit ienep välljimsiedilijt de háhttuji ietja daj välljimsiedilij ávdás mákset.

Sámedikke välljimin e gávnnu juogu de guoros välljimsiedila jali välljimsiedila dássjå juogosnamájñ, belludaknamájñ jali muoduk tjoahkkájmannamnamájñ. Dat boahtá dassta gá gájkka belludagá háhttuji ietjasa ávdáljigiehtaj registardit jus galggi välljimij säbrrat. Ij maná, degu álmulasj välljimin, belludagá namáv guoros välljimsiedila nali tjället.

Välljidahte – gut máhtta välljiduvvat?

Sámedikke välljimin gávnnuui gálmma rávkalvisá välljidahtten árrat: jienastimriektáv Sámedikke välljimin adnet, svieriga viesájdiddje árrat ja diededum kandidáhta registardum belludahkaj árrat.

4. Návti jienas

Sámedikke välljimin máhtti välljijiddje jienastit juogu de välljimlanján välljimbieje jali brevvajenastit.

1. Jienastit välljimlanján välljimbieje

Sámedikke välljimin li välljimlanjá moatten bájken Svierigin. Sámedikke välljimsiebreráde mierret makkir bájkijn välljimlanjá galggi gávnnut ja biejadi välljimgähttijt juohkka välljimladnjaj. Välljijiddje máhtti jienastit akta makkir välljimlanján välljimbieje. Välljimlanján li välljimkuvera ja välljimsiedila. Välljijiddje galggá válldet ietjas jienastimkártáv/álgoldiskuverav välljimladnjaj. Jus välljijiddje ij la välljimgähttijda dábdos viertti välljijiddje vuosedit ID-kártáv jienastittjat.

Välljimlanjá li rahpasa jienastibmáj kl. 8-20. Jiena välljimlanjájs rádjasi maŋgela Lenastivrraj Norrbottena lenan mij guorat ja jienajt riekkni.

Návti välljimlanján jienas:

Välljijiddje oadtju välljimkuverav välljimgähttijjs. Dan maŋgela manná välljimsjerma duohkáj ja sieddusin gárvvi ietjas jienav. Välljimsiedilav danna välljimkuverraj tsággá.

Välljijiddje de guodá välljimkuverav, jienastimkártáv/álgoldiskuverav ja ID-kártáv välljimgähttijda. Gá de välljimgähttje gähttjam vaj jiedna l riektaláhkáj gárvvidum de tjálesti välljimtjáládussaj vaj välljijiddje la jienastam. De välljimgähttje biedjá välljimkuverav jienastimkártáv/álgoldiskuverraj ja jienastimkártáv/álgoldiskuverav dabbmi.




2. Brevvajenastit

Brevvajenastime bále adná välljijiddje dav välljimkuverav ja avtav välljimsiedilijs mij sunji l rájadum aktan jienastimkártáv/álgoldiskuverajn. Brevvajenastibmáj välljijiddje aj dárbaj guokta vihtana. Da almatja galggaba állim 18 jage ja ábá oattjo árrót välljijiddje boadnjásj/áhkásj jalik välljijiddje mánná/máná.

Návti brevvajienas:

Välljijiddje ietjas jienav gárvvi, dat javllá biedjá välljimsiedilav välljimkuvera sisi. Välljimkuverav galggá vihtanij vuojnedijn biedjat jienastimkártáv/álgoldiskuverraj, mav dabbmi. De välljijiddje ja vihtana tjállí jienastimkártáv/álgoldiskuvera nali.



Välljijiddje galggá jienastimkártáv/álgoldiskuverav tsággálit sierra biráskuvera sisi, dabbmit biráskuverav ja maŋemusát pávsstábrevvajenastit maŋemusát välljimbieje, dat la ájllega moarmesmano 19.b. 2013. Adrassa Lenastivrraj Norrbottena lenan la biráskuverraj tjáledum ja brevva l mávsedum.

Almatjij jienastit

Válljijiddje jienasti juohkusij, belludahkaj jali muoduk aktijmannamij ja máhtti sämmi bále válljimsiedilij mierkkit makkir kandidáhtav ienemusát sihti válljasit. Dav gáhttju almatjij jienastit. Válljijiddje máhtta jienastit ruossajn avta (1) kandidáhttaj.



Válljijiddje máhtta jienastit dássjá avta kandidáhttaj gen namma l prienntidum válljimsiedilij. Válljijiddje ij oattjo vil namáv/namájt tjället válljimsiedilij ja dan láhkáj jienastit ietjá kandidáhttaj gá mij la belludagás mierredum.

5. Aktijriekknim, mandáhttajuogadibme ja válljimbáhtusa

Riekknim Lenastivran Norrbottena lenan álggá vahkov válljima maŋgela.

Vuostak jienajt guoradi ja válljimkuverajt válljimlihttáj biedji

Lenastivrra vuostak válljimlanjá jienajt guorat ja gehtjat vaj li riektaláhkáj gárvidum. Dáhkkin jienastimkártajt/álgoldiskuverajt rahpi. Jienastimkártá/álgoldiskuvera sinna galggá válljimkuverra gávnnut. Válljimkuverav váldi ja jus la riektaláhkáj gárvidum de biedji válljimlihttáj ja válljijiddjev mierkkiji jienastimláhkuj. Válljijiddje jienastimkártá/álgoldiskuverra váldeduvvá jienas gá válljimkuverav tsággi válljimlihttáj ja dan láhkáj váldeduvvá válljijiddje jiedna suv identitehtas, dat mierkki válljimsuollevisvuohta suoddjiduvvá.



Gá gájkka válljimladnjajiena li guoradum, de brevvajienajt sämmiláhkáj guoradi. Duodden aj gehtjadi vaj válljijiddje ij juo la jienastimláhkuj mierkkidum, dat mierkki sán ij la juo jienastam.

De válljimlihtev duobbmiji ja válljimsiedilijt merustalli ja riekkniji

Gá gájkka válljimkuverajt li bårddum de duobbmiji válljimlihtev. Válljimkuverajt rahpi ja válljimsiedilijt álgus váldi. Válljimsiedilijt merustalli riekknima bále. Vuostak Lenastivrra riekkni válljimsiedilij lågov juohkka juohkusij, belludahkaj jali muoduk aktijmannamij. Dan maŋgela Lenastivrra riekkni almasjjiednalågov juohkka kandidáhttaj.

Návti válljimsiedilav merustallá

Jus válljijiddje ruossi guokta jali ålop kandidáhta válljimsiedilin de dav riekkni jiednan dan juohkusij, belludahkaj jali dan muoduk aktijmannamij.

Sämmi jus válljijiddje biedjá guokta (jali ålobuv) válljimsiedila danŋa kuverraj sämmi nammadisájn valla sierralågásj kandidáhttabiejadimij jali sierralågásj merkaj almasjjiednaj.

Lenastivrra ij berusta sihkkomijjt jalik nammalasedimijjt válljimsiedilijn.

Válljimsiedilav merustalli fámodibmen jus:

- danna ij la nammadissa (degu jus nammadissa l sihkodum),
- li dábddomerka ma vuojnunagi li bahá diehti,
- la ienep gá akta belludaknammadissa (degu jus li guokta jali moadda válljimsiedila sämmi válljimkuvera sinna ja dajn li sierralågásj belludaknammadisá).

Mandáhttujuogadibme belludagáj gaskan

Gá gájkka jiena li riekknidum máhtta mandáhttujuogadibme álget. 31 mandáhta (saje) Sámedikken juogeduvvi vuostak juohkusij, belludagáj ja muoduk tjoahkkájmamnamij gaskan. Merustallamvuogev gáhttu hiebaduvvam belakláhkovuohken ja dav aj adná válljimijn riikabájjváj, lánndadigge- ja kommuvnnafábmuduvvamij ja válljimij Europaparlamánntaj Svierigin.

Sámedikke válljimin ij gávnnu buodo galla prosentta juogos, belludahka jali muoduk aktijmannam háhttu adnet oassálastáttit mándáhttujuogadibmáj. Álles riikka l válljimbájkke.

Diehtogiede 1: Hiebaduvvam belakláhkovuohke

Gájkka juohkusijda, belludagájda ja muoduk tjoahkkájmamnamijda buohtastahthemlágov riekkniduvvi. Vuostasj buohtastahthemlágov oadtju gá álles jiednalágov gengak juohkusij, belludahkaj jali muoduk aktijmannamij juohká 1,4ajn. Dat juogos, belludahka jali muoduk aktijmannam manna l alemus buohtastahthemláhko oadtju vuostasj mandáhtav ja de áda buohtastahthemlágov gá jiednalágov juohká 3jn. Ietjá juohkusa, belludagáj ja muoduk tjoahkkájmamnama ájmon ietjasa buohtastahthemlágovt adni desik mandáhtav oadtju. Gá juogos, belludahka jali muoduk aktijmannam oadtju nuppev mandáhtav juogeduvvá jienastimláhko 5jn merustaláttit boahhte buohtastahthemlágov, ja maŋgel goalmát mandáhtav 7jn ja náv vil.

BUOJKULVISSA MANDÁHTTUJUOGADIBME: Juogadibme niellja vuostasj mandáhtajs 2009 jage válljimin

1. Gájkka belludagáj jienastimláhko juogeduvvá 1,4jn vaj gájkka belludagáj ja buohtastahthemláhko.

2. Gánna juogadime maŋgela 1,4jn la stuorámus buohtastahthemláhko la Jakt- och fiskesamerna. Sij oadtju vuostasj mandáhtav.

Jakt- och fiskesamerna jienastimláhko juogeduvvá de maŋep juogadimlágov, dat mierkki 3jn. Iehtjáda sámmi ieme buohtastahthemlágovt tjuodtju.

4. Gejn dal la stuorámus buohtastahthemláhko la Samerna. Sij oadtju goalmát mandáhtav.

Samerna jienastimláhko juogeduvvá maŋep juogadimlágov, dat mierkki 3jn.

Juogos, belludahka jali muoduk aktijmannam	Jienastimláhko	Mandáhtta 1	Mandáhtta 2	Mandáhtta 3	Mandáhtta 4
Albmud - Almetj - Almasj - Folket	117	83,57	83,57	83,57	83,57
Guovssonásti	625	446,42	446,42	446,42	446,42
Jakt- och Fiskesamerna	1 069	763,57	346,33	356,33	356,33
Mín Geaidnu Mijá Gájno Mijjen Geajnoe	496	354,28	354,28	354,28	354,28
Samerna	646	461,42	461,42	461,42	215,33
Sámiid Riikkabellodat Samelandspartiet	908	648,57	648,57	302,66	302,66
Solidaritit	62	44,28	44,28	44,28	44,28
Vuovdega-Skogssamerna	450	321,42	381,42	381,42	381,42

3. Gejn la dal stuorámus buohtastahthemláhko la Sámiid Riikkabellodat Samelandspartiet. Sij oadtju nuppev mandáhtav.

Sámiid Riikkabellodat Samelandspartiet jienastimláhko de juogeduvvá maŋep juogadimlágov, dat mierkki 3jn.

5. Gejn dal la stuorámus buohtastahthemláhko la Guovssonásti. Sij oadtju náljáv mandáhtav.

Guovssonásti jienastimláhko juogeduvvá maŋep juogadimlágov, dat mierkki 3jn.

Dajna vuogijn riekkni desik gájkka 31 mandáhta li juogedum.

Ájrrasa ja sadjásattja biejaduvvi

Juohkka juohkusij, belludahkaj jali muoduk aktijmannamij mij la mandáhtav oadtjum biejaduvvi ájrrasa. Akta ájras mandáhttaj (sadjáj). Maŋŋela sadjásattja ájrrasijda biejaduvvi.

Almasjjiena vuostatjin mierredi gudi kandidáhta välljiduvvi. Rávkalvis (buodo) välljiduvátjit almasjjienaj la vaj kandidáhtta la binnemusát 5 % oadtjum juohkusa, belludagá jali muoduk aktijmannama álles jiednalågos (binnemusát 25 almasjjiena). Jus kandidáhttanamma la moatten sierralågås listan sämmi belludagås riekkniduvvi almasjjiena aktan gájkká sierra listajs. Sijás gudi li buodujn almasjjienaj hárráj de sán guhti oadtjum la ienemus almasjjienajt oadtju vuostasj sajev juohkusij, belludahkaj jali muoduk aktijmannamij, maŋep ienemus almasjjienaj oadtju nuppev sajev ja náv vil. Jus moadda kandidáhta li oadtjum edna jiena de lenastivrra vuorot.

5%

Jus juogos, belludahka jali muoduk aktijmannama li oadtjum ienep mandáhta gá kandidáhta gudi li buodujn almasjjienastibmáj bierggim aneduvvá náv gáhtjodum álleslåhkovuohke gá báhtsám ájrrasa biejaduvvi.

Juohkka ájrrasij biejaduvvi sämmi állo sadjásattja majt juogos, belludahka jali muoduk aktijmannam la mandáhtav oadtjum, binnemusát gálmma. Sadjásasj máhtta sadjásattjan moatte ájrrasij.

Diehtogiedde 2: Álleslåhkovuohke

Álleslåhkovuohke la vuohke biejatjit ájrrasijt gudi ålla almasjjienaj välljiduvvam. Álleslåhkovuohke merkaj välljimsiedijit bárddu dan kandidáhttanamma milta mij bajemusán tjuodtju ienemus välljimsiedilijn. Ij lågeda kandidáhttajt ma ájrrasin biejaduvvi almasjjienaj viehkijn.

Jus juohkusin, belludagán jali muoduk aktijmannamin la val akta lissta de mandáhta manni gájkká kandidáhtajda dan årniga milta gåk listan tjuodtju.

Jus juohkusin, belludagán jali muoduk aktijmannamin li moadda lista vijddu merustallam. Dahká merustallambálev juohkka mandáhttaj mij galggá biejaduvvat. Juohkka bále maŋŋela ij gehtja sunji gut la välljidum ja bárdut välljimsiedijit ådåsis namáj milta ma dal bajemusán tjuodtju. Ådå buohtastahttemplåhko riekkniduvvá boahhte nammaj dan listan gånna dat namma mij mandáhtav váldij tjuottjoj. Ietjá kandidáhtajn bajemusán la ietjasa buohtastahttemplåhko åjmon. Dat namma manna dal la alemus buohtastahttemplåhko oadtju boahhte mandáhtav. Ja merustalli desik gájkká mandáhta li biejadum. Sämmi buohtastahttemplågo bále guovte jali ålop kandidáhta galggá sadje vuoroduvvat sijá gaskan.

Webbasajen www.val.se gávnnuji ienep diedo gåk buohtastahttemplågov riekkni.

BUOJKULVISSA BIEJADIT ÁJRRASIJT JA SADJÁSATTJAJT

Juohkusin X lidjin válljimin guokta lista kandidáhtaj, nr 00100 ja nr 00200. Gávva vuollelin vuoset lågev bajemus namá gengak listan.

Grupp X	
<input type="checkbox"/>	1. Anders Andersson
<input type="checkbox"/>	2. Björn Baer
<input type="checkbox"/>	3. Carl Calais
<input type="checkbox"/>	4. David Denson
<input type="checkbox"/>	5. Eva Erlandsson
<input type="checkbox"/>	6. Fia Fjällman
<input type="checkbox"/>	7. Gerd Gunnarsson
<input type="checkbox"/>	8. Helena Harnek
<input type="checkbox"/>	9. Inga Ingelson
<input type="checkbox"/>	10. John Jansson
00100	

Grupp X	
<input type="checkbox"/>	1. Karin Kanna
<input type="checkbox"/>	2. Linn Loman
<input type="checkbox"/>	3. Mariann Monet
<input type="checkbox"/>	4. Nina Nutti
<input type="checkbox"/>	5. Olof Omma
<input type="checkbox"/>	6. Per Peter Pilvi
<input type="checkbox"/>	7. Quer Qvarts
<input type="checkbox"/>	8. Rakel Ranelid
<input type="checkbox"/>	9. Susanne Sikku
<input type="checkbox"/>	10. Tinna Tranström
00200	

Juogos X oattjoj 410 jiena. Dat vattij gálmma mandáhtta.

Jiena állásit	410
Jiena listan 00100	151
Jiena listan 00200	259

Kandidáhta ienemus jienaj (lissta)	
Karin Kanna (00200)	94
Björn Baer (00100)	25
Anders Andersson (00100)	19
Linn Loman (00200)	18

Gudi ájrrasin sjaddi?

Dajna gá buodo almasjjienajda la 5% jienajs juohkusij, belludahkaj jali muoduk aktijmannamij de mierkki akta kandidáhtta viertti oadtjot binnemusát 21 almasjjiena válljiduvátjit almasjjienaj (5% 410 jienas la 21 jiena). Duodden aj gávnu rávkalvis binnemusát 25 almasjjienajn. Guokta kandidáhta, Karin Kanna ja Björn Baer, daj rávkalvisáj bierrgijga almasjjienaj válljiduvátjit ja dajna ájrrasin biejaduvátjit.

Dajna gá álop kandidáhta bierrgijin rávkalvisájn almasjválljimij de galggá goalmát mándahtav biedjat állesláhkovuogijn. Bajemusán gengak listan gá vuostasj mándahtta I biejadum la Anders Andersson (lissta 00100) ja Linn Loman (lissta 00200). Sunnu goappák buohtastahthemlâgo li sâmmi gá jiednalâhko gengak listaj, dat javlla 151 Anders Anderssonaj ja 259 Linn Lomanij. Goappán la alemus buohtastahthemlâhko, Linn Lomann, oadtju goalmát mandáhtav.


Gudi sadjásattjan sjaddi?

Dajna gá ájrrasa gudi li biejadum báhti goappásj listas oadtju Juogos X guokta sadjásattja (sadjásasijuohkusa). Galggi agev biejaduvvat binnemusát gálmma sadjásattja juohkka ájrrasa sadjáj. Akta almasj máhtá sadjásattjan árrat moatte ájrrasij. Karin Kannaj ja Linn Lomanaj sjaddi sadjásattjan da gálmmaša lagâmusán sunnu mañjela listan nr 00200, dat mierkki Nina Nutti, Olof Omma ja Per Peter Pilvi.

Björn Baeraj sjaddi sadjásattjan da gálmmaša lista bajemusán nr 00100, dat mierkki Anders Andersson, Carl Calais ja David Denson.

Váalljimbáhtusa


Riekknim ja mándahttajuogadibme Lenastivran válddá 3 bieje báikev, dat javllá báhtusav vuorddi állásin moarmesmano 29.b. Báhtusav almodi Váalljimfábmudagá webbasajen www.val.se vallak la álles. Lenastivrra aj Sámedikke váalljimbáhtusav Pávssá- ja Sisrikkak Tidnigijn almot.



6. Manáj gus váalljim njuolgga?

Váalljimav gujddit

Gut adná vihke jali boasstot la sjaddam mij váalljimbáhtusav la guoskam máhtta váalljimbáhtusav gujddit. Val jienastimriektáaddne ja juohkusa, belludagá jali muoduk tjoahkkáimannama ma li váalljimij oassálasstam gujddit oadtju. Gut gujddit sihtá rádjá gujddimusáv Váalljimgujddimussiebrerádáj. Váalljimgujddimussiebreráde galggá gujddimusáv oadtjum áramusát biejeve váalljimbieje maññela ja maññemusát lágev biejeve maññel gá váalljimboados la diededuvvam.



Váalljimgujddimussiebreráde gáhttjal gujddimusáv ja máhtta váalljimav hiejtedit ja mierredit váalljimav ádásis tjadádit jus jáhká árádus máhtta guoskam váalljimbáhtusav. Jus manná rievddadit ádá riekknima baktu jali ietjá unnep dahkamusájn máhtta Váalljimgujddimussiebreráde ienni Lenastivrav Norrbottena lenan gáhttjot dahkat.

Lága vuossstij brottsbalka milta

Muitem njuolgadusájt majt li buorggum váalljimin gávnnuji Brottsbalkan kap. 17 Om brott mot allmän verksamhet m.m.

La buorggo degu dal gáhttjalit tsaggat jali váalljimbáhtusav jali jienastimev ietjáduhttet. Buorggo l aj vaddet jali duosstot bálkáv jienastittjat sierraláhkáj jali ij ávvá jienastit. Ij ga oattjo átsádit gák soames ietjá l jienastam.

Dájt dáhpadusájt ij máhte Váalljimgujddimussiebreráde baktu gujddit ájnat da diededuvvi polijssaj ja máhtti álmulasj duobbmostávlán gáhttjaluvvat.

7. Válljímfabmudagá Sámedikke válljimin

Sametinget

Box 90
981 22 KIRUNA
Tel 0980-780 30
Fax 0980-780 31
www.sametinget.se
kansli@sametinget.se

Länsstyrelsen i Norrbottens län

971 86 Luleå
Tel 0920-960 00
Fax 0920-22 84 11
www.lansstyrelsen.se/
norrbotten
norrbotten@lansstyrelsen.se

Valmyndigheten

Box 12191
10225 Stockholm
Tel 08-635 69 00
Fax 08-635 69 20
www.val.se
valet@val.se

Valprövningsnämnden

100 12 Stockholm
Tel 08-786 40 00
Fax 08-786 61 75
riksdagsinformation@
riksdagen.se

Sámedikke válljimsiebreráde

- duosstu diededimijt jienastimláhkuj ja biejadi ájnibáddásasj jienastimlágov,
- dahká aktisajráde milta aktan Válljímfabmudagájn ájnibáddásasj jienastimlágov gávnadahtten jus aktak dav sihtá guoradit muhtem sajijn rijkan,
- dáhkkít maŋemus jienastimlágov, ja
- vásstet jiednadosstoma ávdás ja huksá degu dal válljimlanjáv ja átsát jiednadosstojt.

Lenastivrra Norrbottena lenan

- mierret jus soajtti gujddimusá ájnibáddásasj jienastimlágo vuosstij,
- duosstu gájkka brevvajienajt ja gájkka válljimladnjájienajt,
- tjadát jiednariekknimav ja de juohká mandáhtajt ja mierret gudi ájrrasin ja sadjásattjan sjaddi.

Válljímfabmudahka

- adná aktijdimávdásvásstádusáv válljima ávdás,
- adná IT-doarjjagav válljima tjuottjudusás,
- dahká ja radjá jienstimkártajt ja diededimijt jienastimriektáaddnijda.
- mierret aktan Sámedikkijn gánná ájnibáddásasj jienastimláhko galgaluluj gávnnut vuojnnusin guoradibmáj,
- registart juohkusij, belludagájt ja muoduk tjoahkkájmamnamijt ja sijá kandidáhtajt, ja válljimsiediijt priennti.

Válljimgujddimussiebreráde

- Gáhhtjal válljimgujddimusájt jus soajtti. Válljimgujddimussiebreráde márrádusájt ij máhte gujddit.



Sámediggi
Sámedigge
Saemiedigkie
Sametinget



Länsstyrelsen
Norrbotten



Valmyndigheten